

Դպրոցի այդ մասը, որ ծառայում է իբրև մթերանոց, կարելի է կարգի բերել և յատկացնել ապաստարանի, ուր կտեղաւորւեն 30-ի չափ աշակերտներ:

1914 թւին ընդունածս դպրոցի շէնքը մատնւած էր խիստ անուշադրութեան՝ սուադները թափւած, դռները խարխուլ՝ առանց փականների, առանց բակի ու ցանկապատի, մի խօսքով այժերի և անասունների հանգստատեղի էր: Մեծարդոյ բարերարն ու հոգաբարձուք ընդառաջ դալով իմ խնդրին՝ հիմնական նորոգութեան ենթարկեցին, որ վերջացաւ սեպտեմբերի 12-ին:

Դպրոցը 1914—15 ուս. տարւոյ մէջ մօտաւ է ունեցել թոշակադրամ աշակերտներից 412—50 կող., ու. Գասպար Տէր Մարգարեանից նպաստ 2300 ռ. ռոճիկ ուսուցչաց: Իսկ 401—24 կ. էլ դպրոցի նորոգութեան, ծախք եղել է 3551 ռ. 57:

Աւագ ուսուցիչ՝

Գ. Տէր Մինասեան.

Տ Ե Ղ Ե Կ Ա Պ Ի Ր

Մեղու վեցամեայ Ծխական Դպրոցի 19¹⁵/₁₆ ուս. տարւոյ.

Մեղրու դպրոցն այս տարի բոլորեց իր 35 ամեակը, մի ժամանակամիջոց, որը պատուարեր է ծխական դպրոցի համար: Այդ ամբողջ ժամանակամիջոցում հետզհետէ յառաջադիմել է և չէ մնացել հնութեան գրկում: Հասարակութիւնը և վարչութիւնը իրենց ուժերի ներածին չափ ամեն կերպ նպաստել են բարձրացնել դպրոցի անտեսական և թէ՛ յառաջադիմութեան ընդհանուր մակարդակը:

Դեռ անցեալ ուսումնական տարուայ վերջում միտք էր առաջացել տօնել դպրոցի յօրելեանը, սակայն ներկայիս աղէտներով լի ժամանակներում այդ միտքն իրականացնելն անհնարին եղաւ: Զնայած այն հանգամանքին, որ ներկայ ժամանակի տարտամ դրութեան շնորհիւ շատ տեղերում դպրոցները փակեցին, կրճատուեցին նրանց նախահաշիւ-

ները, և շատ տեղերում ուսումնաւորականութիւնն ընթացաւ, Մեղրու դպրոցի վարչութիւնն ամեն կերպ աշխատեց, որ իր դպրոցը յաջող ընթանայ այս տարի ևս, առանց պակասեցնելու մանկավարժական կազմը:

Նախնական աշխատանքները դպրոցում սկսուեցին 1914 թ. օգոստոսի 25-ից, կանոնաւոր դասերը՝ սեպտեմբերի 4-ից և տեւեցին մինչև սոյն թուի մայիսի 24-ը, որ օրը և կատարուեց տարեվերջի ակտը:

Դպրոցն ունի իր սեպհական շէնքը, բաղկացած 7 սենեակից, որոնցից մէկը ուսուցչանոցն ու գրադարանն է, իսկ մնացեալ 6-ը դասարաններ:

Բոլոր 6 բաժանմունքներում կայ 174 աշակերտ. աշակերտուհիներ. որոնցից 75 տղաներ իսկ 99-ը աղջիկներ:

Աշակերտների միապադադ կեանքի մէջ փոփոխութիւն մտցնելու համար կազմակերպուել է 4 երեկոյթ. ցերեկոյթ և երկու գրօսանք: Մանկավարժական խորհուրդը բաւականացել է գրանով նախ ի նկատի առնելով ներկայ անպարեպատեհ ժամանակը և ապա՝ որ նման թարմացուցիչ երեկոյթները որքան էլ նպաստաւոր լինեն, այնուամենայնիւ պէտք է քշով բաւականանալ, որովհետև նախ սաներն են ծանրաբեռնուած կողմնակի աշխատանքներով և ապա կանոնաւոր պարապմունքները իրենց նորմալ ընթացքից դուրս են գալիս:

Միանգամայն վերացնելով թէ չը սովորելու և թէ չարութեան համար որևէ մարմնական պատիժ և ընդունելով բարոյական ազդու միջոցներ, միևնոյն ժամանակ խստիւ հետամուտ է եղած սաների կարգապահութեանը թէ դպրոցում և թէ դրսում:

Սաների աշխարհայեացքը լայնացնելու, նրա ընդհանուր զարգացմանը նպաստելու համար տեղի են ունեցել շարաթական մէկ դաս՝ ընթերցանութեան դասեր: Դասերը եղել են կանոնաւոր, պարտադիր և յանձնուել են դաստիարակներին, տեղութիւնը եղել է 50 բ. և կազացուել է երրորդ ժամին:

Քանի որ աշակերտութեան մէջ նկատուած թերու-

թիւները քննութեան առնելու միշտ պարզում է, որ դրանց արմատը թաղնուած է այն ընտանիքներում, որտեղից նրանք դուրս են եկել և որովհետեւ ընտանիքը մարդու մշտական գալրոցն է, աւելի ազդու կերպով նրա մանկութեան շրջանում և եթէ ընտանիքը չը կիրառէ գալրոցի կատարածներն ու պահանջները երեխաների վերաբերմամբ, այդ դէպքում անհնարին կը լինի դաստիարակել մանկան, ուստի որոշուեց ունենալ ծնողական հերթական և արտակարգ ժողովներ: Առաջին անգամ Մեղրիում կրթական-դաստիարակչական խնդիրների համար այս տարի ունեցաւ 4 ծնողական ժողով, որոնցից 2-ը հերթական էին իսկ 2-ը արտակարգ: Այդ ժողովներում, երբ նախադաժում էր գալրոցի աւ. ուսուց. և ուր նա միւս ուսուցիչների հետ արժարժում էր հարցերը, հասարակութիւնը կարծէր աւելի սերտ միացաւ գալրոցի հետ և աստիճանաբար իրականացրեց իր երեխաների վերաբերմամբ արած որոշումները, որոնք բաւական շօշափելի արդիւնքի հասան:

Մանկավարժական կազմը այս ուսումնական տարուայ ընթացքում ունեցել է 34 նիստ, որոնց կենտրոնական նիսթը եղել են մանկավարժական զանազան հարցեր: Այդ բանակի մէջ են մտնում և շրջանային երեք ժողովները, որոնց ժամանակ ի միջի այլոց որոշուած են եղել և շրջանում ու Մեղրիում ունենալ փորձնական դասեր, որը և տեղի է ունեցել Կուսենմիս գիւղում 2 դաս և Կարճևան գիւղում նոյնպէս 2 դաս, իսկ Մեղրիում, շրջանի ուսուցիչների ցանկութեան համաձայն տեղի չեն ունեցել, արամազրութիւնների բարձրացած և ընդհանուր դրութիւնն ընկած լինելու պատճառով: Նիստերից 6-ն էլ եղել են խառը հոգարարական և մանկավարժական, իսկ հոգարարձութիւնը աւագ-ուսուցչի մասնակցութեամբ և ձայնի իրաւունքով (ոչ անտեսական հարցերում) ունեցել է 14 առանձին նիստ: Մանկավարժական ժողովներում միշտ մասնակցել է մանկավարժական խնդիրներում առանց ձայնի իրաւունքի, իսկ անտեսական և ընդհանուր հարցերին՝ ձայնի իրաւունքով, հոգարարձութեան ներկայացուցիչը:

Տարուայ ընթացքում երեք անգամ վերատուգումներ են տեղի ունեցել ամբողջ դպրոցում, որոնց միշտ ներկայ է եղել հոգաբարձուներից մէկն ու մէկը։ Հոգաբարձութիւնը բացի դրանից միշտ ներկայ է եղել դասերին, ինչպէս և աւագ-ուսուցիչը իր ազատ ժամերից օգտուելով լսել է դասատուների դասերը, նախօրօք յայտնելով այդ մասին նրանց։

Վերջացնելով այն համառօտ տեղեկագիրը, յոյս ենք տածում, որ դպրոցը հեռո՛հեռէ կը յառաջադիմէ և դպրոցի գլուխ կանգնած անձնաւորութիւններն իրենց ջանքերը չեն խնայի որովհետեւ բաւական չէ դորժ կատարել, փող ծախսել, մեծ խումբ կազմել, այլ հարկաւոր է ամեն ինչ այնպիսի հիմքերի վրայ դնել, որ ոչ դրամը և ոչ էլ աշխատանքը իզուր չը կորչեն։

Գալով ժողովրդին՝ սրտի բերկրանքով պիտի ասենք, որ ազատուել է գիւղական սովորական տղիտութիւնից ու խաւարամասութիւնից, նա արդէն ընդունել է ուսման խաւական արժէքը, ուրեմն և աղաղայում ոչ միայն չի կարող երես դարձնել իր դպրոցից, այլ տւելի ևս ամուր կը գրկէ։ Մի քունի խօսք էլ դպրոցական շէնքի մասին։ Մեզրօք դպրոցի շէնքը չը նայած համեմատաբար գիւղական դպրոցների շէնքերի հետ շատ գեղեցիկ է, բայց ունի խոշոր պահածոթիւններ, որոնցից ամենատոջինն է խոնաւութիւնը։ Պէտք է անպայման նոր շէնք ունենալ։ Այդ կարևորութիւնը չը նայած զգացողներ կան, բայց հարկաւոր է լուրջ դորժի՝ ձեռնարկել և եթէ ոչ այժմ, դո՛նէ առաջիկայում կատարուելիք յօրելեանին ամենից առաջ այդ պէտք է աչքի առաջ ունենալ։

Նախագ. Մանկ. խորհ.

Արշալոյս Տէր Յովնանեան

Յունիս., 1915 թ. Մեղրի.

